



PROVÌNTZIA DE ARISTANIS

Setore Afàrios Generales

AVISU PÙBLICU

PRO DESINNARE SU/SA CONSIGIERI/A DE PARIDADE EFETIVU/A E SUPLENTE DE SA PROVÌNTZIA DE ARISTANIS

(D.Lgs.vu 11 de abriale de su 2006, n.198)

Sa Provìntzia de Aristanis, aprichende s'art.12 comma 3, de su D.lgs.vu 11 de abriale de su 2006, n.198, aici comente dd'at mudadu su D.Lgs.vu n.151.de su 14/09/2015, bolet incarrerare a desinnare Consigieris/as provintziales de paridade efetivu/a e suplente.

ART.1) Rechisidos

Sa/Su Consigiera/l provintziale de paridade efetiva/u o suplente depent àere is rechisidos chi sighint, segundu a su chi ponet in contu s'art. 13 de su D.Lgs.vu 11.04.2006 n.198 e mudaduras suas: cumpetèntzia aposte e esperièntzia de prus annos (a su mancu duos annos) in matèria de traballu femininu, de normativas de paridade, oportunitades uguals e mercadu de su traballu. Totu custos rechisidos chi si tenent s'ant a dèpere cumproare cun documentos aposte.

Pro si fàghere ammìtere nche bolent aici etotu is rechisidos afatantes:

- edade non prus bàscia de is 18 annos;
- tzitadinàntzia italiana o, sinuncas, tzitadinàntzia de unu de is Istados membros de s'Unione Europea, paris cun su rechisidu de gosu de is deretos tziviles e políticos finas in s'Istadu de appartenèntzia e tènnere una connoschèntzia adeguada de sa limba italiana;
- gosu de is deretos tziviles e políticos;
- no àere tentu cundennas penales chi lassant foras dae s'eletoradu politicu ativu e de no èssere istados destituidos o dispensados dae su traballu in s'amministratzione pùblica;
- non dd'ère postu/a a measuras de preventzione e de non connòschere a càrrigu suo s'esistèntzia de protzedimentos pro aplicare measuras de preventzione.
- non s'agatare in situatziones pro chi non fàghere a cunferire o chi no andant de acòrdiu cun s'incàrrigu cunforma a is normas in vigore, est a nàrrere cunflitos de interessos avatu a sa Provìntzia de Aristanis;

Totu is rechisidos si depent tènnere a sa data ùrtima pro intregare is dimandas.

ART. 2) Funtziones e tareas

Is funtziones e is tareas chi at a dèpere fàghere su/sa Consigieri/a provintziale de paridade ddos disciplinat, a mannu a mannu, s'art. 13 comma 2 e s'art. 15 de su D.lgs.vu n. 198/2006 e mm.ii. afatantes.

ART. 3) Indennidade

S'Ente territoriale chi at incarreradu a desinnare podet assinnare a is Consigieras e a is Consigieris de paridade efetivas/os e suplentes (art.17, comma 2, de su D.Lgs. n. 198/2006), a pustis de is mudaduras chi at fatu su D.Lgs. n. 151 de su 2015, un'indennidade a su mese fissada a s'annu cunforma a is critèrios chi at detzididu sa Cunferèntzia Unificada chi est in s'art. 8 de su Decretu Legislativo 28 de austu de su 1997, n. 281; aici comente ddos ant fatos suos pro s'annu chi est passende is Deliberas n.22 e 30/2020.

Su reconnoschimentu de custa indennidade a is consigieras e a is consigieris de paridade suplentes est limitadu feti pro su tempus chi si faghet sa suplèntzia.

Art. 4) Modos pro intregare is candidaduras

Sa dimanda, pena su de non si fàghere ammitere, dda depet istèrrere segundu a su mòdulu giai imprentadu Mod.A chi frunit sa Provintzia de Aristanis, e firmare su chi bolet pigare parte e ddi depet aunire:

- fotocòpia de unu documentu de identidade bàlidu;
- curriculu in formadu europeu cumpretu de totu is informatziones chi permitint de sedatzare in modu adeguadu sa cumpetèntzia e s'esperientzia, intramesu de custas:
- titulu de istùdiu;
- carriera formativa;
- si mai incàrrigos pùblicos tentos;
- informatziones chi serbint a agiudare sa candidatura.
- Totu is documentos idòneos chi cumproant is rechisidos chi sunt in s'art.13, comma 1, de su D.Lgs 198/2006.

Is candidaduras ant a dèpere arribare a intro e sena de sartare su 03/08/2020 a mesunote e s'ant pòdere intregare:

- cun sa pròpia casella personale de posta eletrònica tzertificada (firmada cunforma a sa manera chi ponet in contu s'art. 65 de su D.lgs. 82/2005 – firma digitale o scansione de totu is documentos firmados e paris cun unu documentu de identidade) a s'indiritzu provincia.oristano@cert.legalmail.it (pro custu s'at a tènnere contu de sa data e ora de inviu de sa PEC)

Totu is documentos tocat de ddos fàghere in formadu "pdf"

In s'ogetu de sa candidatura mandada tocat de nche inditare custa iscrita: **“Candidadura pro desinnare Consigieris/as de paridade provintziale efetivu/a e suplente de sa Provintzia de Aristanis”**.

S'Amministrazione non si pigat responsabilidade peruna pro no àere retzidu sa dimanda pro neghe de faddinas in prus intreghende chi non sunt curpa de sa s'Amministrazione etotu.

Sa Provìntzia de Aristanis non si pigat sa responsabilidade pro sa pèrdida de comunicatziones chi dipendent de un'inditu fatu male de s'indiriztu, o sinuncas de una comunicatzione de càmbiu de indiriztu fatu a tardu o chi ammancat, inditadu in sa dimanda, nen pro àteras faddinas postales, telegràficas e comente si siat de curpa de àteros o de sa sorte o de fortza majore.

Is candidados depent, in ònnia modu, comunicare de presse a sa Provìntzia de Aristanis cale si siat informatzione de is datos chi unu/a de crarat in sa dimanda.

Art. 5) Modos pro desinnare

Su Setore Afàrios Generales, sighit s'istrutòria tècnica de is candidaduras arribadas; una Cummissione apostada, faghende una Protzedura de valutatzione cumparativa, at a apurare chi ddoe sunt is rechisidos, ddoe ant a valutare e ant a istèrrere elencu de is chie ant pigadu parte, aici comente sighit:

- tìtulu de istùdiu min.0 max 5 puntos
- carreras formativas min.0 max 5 puntos
- incàrrigos pùblicos tentos min.0 max 10 puntos

Su Dirigente s'at a incurare de nche mandare is resurtados de sa protzedura cumparativa a su Presidente de sa Provìntzia.

1 Sa nova at a dèpere àere in ogetu s'iscrita "Candidadura pro desinnare su/a Consigieri/a de paridade provintziale efetivu/a e suplente de sa Provìntzia de Aristanis".

Su Presidente de sa Provìntzia de Aristanis, desinnat, cun decretu suo, su/sa Consigieri/a provintziale de paridade efetivu/a e suplente e nche mandat sa proposta de nòmina a su Ministeru de su Traballu e de is Políticas Sotziales paris a su Ministeru pro is Oportunidades Uguales.

Sa nòmina de su/sa Consigieri/a de Paridade efetivu/a e suplente s'at a fàghere cun decretu de su Ministeru de su Traballu e de is Políticas Sotziales.

S'ufitziu de sa/su Consigiera/i de paridade provintziale s'agatat in sa sede de sa Provìntzia, funtionat a manera autònoma e tenet personale e aparèchios chi ddi serbint pro fàghere su traballu suo.

Art. 6) Cando movet e abarrat in càrriga

Su mandadu de su/sa Consigieri/a efetivu/a e suplente est de bator annos e si podet annoare non prus de una borta. Inghitatz a sa data de su decretu de nòmina de su Ministeru de su Traballu e de is Políticas Sotziales. Is Consigieras e is Consigieris de Paridade efetiva e suplente sighint a fàghere is funtziones issoro finas a is nòminas noas.

Su/Sa Consigieri/a de Paridade efetivu/a a intro de su 31 de su mese de idas de ònnia annu tenet s'òbrigu de intregare relata de su traballu fatu a s'òrganu chi dd'at desinnadu/a e nominadu/a, segundu a is inditos chi as frunidu su Ministeru de su Traballu e de is Políticas Sotziales, cunforma su chi ponet in contu s'art.15, comma 6, de su D.lgs 198/2006 e mm.ii. afatantes, e su programma de is traballos chi si ponent in contu de fàghere s'annu infatu.

7) Publitzidade e informatzione

Custu avisu, paris cun s'ischema de dimanda Modellu A, s'at a publicare in s'albu Pretòriu in linia e in su giassu istitutzionali: www.provincia.or.it.

Còpia de custu avisu e de s'allegadu "Modello A" si podent agatare in prus me in is ufitzios de sa Provìntzia de Aristanis – settore afàrios Generales.

S'istrutura de riferimentu est su Setore Afàrios Generales

Sa responsàbile de su protzedimentu: Assunta Maccioni tel. 0783/793328 – 0783/7931

Art. 8) Tutela de sa privatesa

Totu is datos personales chi nde at a tènnere sa Provìntzia de Aristanis pro custu avisu s'ant a manigiare rispetende su D. Lgs. 196/2003 e mudaduras e aggiuntas afatantes e su Regulamentu UE n.2016/679.

Cunforma a s'art. 13 de su D. Lgs. 196/2003 (in antis "Còdighe Privatesa") e de s'art. 13 de su Regulamentu UE n. 2016/679 (in antis "GDPR 2016/679"), cun disponimentos a tutela de is persones e de àteros sugetos cunforma a su manigiamentu de is datos personales si faghet ischire ca is datos personales frunidos s'ant a manigiare cunforma a sa normativa remonada e a is òbrigos de riservatesa chi ddi tocat a sa Provìntzia.

Titulare de su manigiamentu

Su Titolare de su manigiamentu est sa Provìntzia de Aristanis in sa persone de s'Amministradore Istraordinàriu e rapresentante legale pro custu tempus Torrente Massimo domitziliadu pro sa càrriga in sa bia de Enrico Carboni, 4 – 09170 Aristanis.

Art. 9) Disponimentos de acabbu

Pro totu su chi no s'est postu in contu in custu Avisu si faghet a riferimentu a su D.Lgs n.198/2006 e mudaduras e aggiuntas afatantes.

Sa Dirigente
d.ssa Anna Paola Maria Iacuzzi